

楚辭考異

卅五

楚詞攷異

寧武
南氏
校印

題詞

詩教淪冥楚辭代興漢人賡續有作咸附隸焉及叔師作章句別附九思於編末由漢迄宋相傳各本雖第次或殊然均靡所損益自紫陽注出篇目損益遂更舊觀今所傳王本明刊而外惟日本莊益恭刊本較爲精善然毛刊洪氏補注本出自宋槧尤爲近古補注以前恆列異文蓋屬宋人校記於博考眾本外恆注史記文選異文亦間及藝文類聚宋代之書斯爲昭實惟是漢人所引文已互乖六朝而降異本滋眾故羣籍引稱文多歧出即書出一人之手後先援引迺復互殊勘讎同異昔鮮專書致舊本之觀靡克闕睹學者憾焉今以洪本爲主凡古籍所引異文按條分綴序及章句文亦附校篇各爲卷名曰考異以補宋人校記之缺惜孟堅景伯章句自昔弗昭景純所注書亦墜失殊文異字勘審靡資興念及此猶叔師所云愴然悲感也

辛亥正月劉師培題

人云... 今以... 本... 古... 代...
... 六... 本... 文...
... 本... 人... 本...
... 本... 本... 本...
... 本... 本... 本...
... 本... 本... 本...
... 本... 本... 本...
... 本... 本... 本...
... 本... 本... 本...
... 本... 本... 本...

凡例

一文字一以洪本爲據序及章句亦然以昭齊一

一洪本所載舊校凡足資互證者夾行引入本文之下

一凡離騷經九歌九章卜居漁父九辯招魂招隱士採入文選者其異文不復引章句之採入選注者亦不復校

一紫陽注本正文與洪本異者莊本正文序文及章句與洪本異者茲均弗引明刊單注本亦然

一此編之旨以臚列異文爲主餘惟訂正誤字章句是非概弗議及

楚辭卷第一攷異

儀徵劉師培申叔

離騷經

序王乃疏屈原

疏亦作逐

案文選本篇李注引疏作流據新序節士篇云復放屈原

自以作流爲長

序猶依道徑

一云陳直徑一云陳道徑

案爾雅釋天疏引作猶陳正道

序又使誘楚

案文選祭屈原文注引作誘懷王義較長

序自沈而死

案文選本篇注引作自投而死也

序故善鳥香草

案文選劉琨答盧諶詩注引鳥誤馬

注正月爲陬

案玉燭寶典一引注陬下有也字

皇覽揆予初度兮

覽一作鑒

案文選沈約和謝宣城詩注引覽作鑒

扈江離與辟芷兮

文選離作蕪

案原本玉篇广部引辟作廨北堂書鈔一百二十八引辟芷作薜荔文選思玄賦注後漢書張衡傳注說文繫傳十二並引作江離薜芷文選吳都賦注亦引作江離

注扈被也

案繫傳十二太平御覽九百八十三引注被並作披

紉秋蘭以爲佩

案文選思玄賦注御覽六百九十三並引佩作珮詩鄭風釋

文仍引作佩王楸野客叢書二十一引同

夕攬洲之宿莽

攬一作攬
洲一作中洲

案文選吳都賦注引作夕覽藝文類聚八十一引作夕擎中

洲之宿莽爾雅釋草疏引作夕擎洲

洲上毛本
有中字

之宿莽

注楚人名曰宿莽

案釋草疏引名曰作名之曰

惟草木之零落兮

零亦作荅

案慧琳一切經音義九十七引零作荅

反信讒而齋怒

齋亦作齋
文齊或作齋釋

案顏師古匡謬正俗七御覽九百八十三事類賦注二十四

並引作齊怒

顏云怒
讀上聲

注十二畝曰畹

案慧琳音義九十八引注曰作為御覽九百八十三作二

十畝誤

張謐詞乃以十二畝編一云說文三十畝為畹王逸注楚

騷經亦以此三十畝為言豈王逸所注誤耶此王注不作為二十畝之證

又樹蕙之百畝

釋文畝作晦

案漢書楊雄傳顏注引作百晦

畦留夷與揭車兮

揭一作藹文選作藹夷藹車

案文選顏延年和謝監靈運詩注引夷作蕙御覽九百八十

三引揭作藹

雜杜衡與芳芷

案後漢書馮衍傳注引芳作芬

眾皆競進以貪婪兮

案慧琳音義四十二四十八並引婪作憐

各興心而嫉妒

案慧琳音義二十七七十二並引各作故

忽馳驚以追逐兮

案慧琳音義三十一引以作而五十一亦引作以

夕餐秋菊之落英

餐亦作淦

案御覽十二引餐作採誤

注詩曰諄予不顧

案王應麟詩攷引同

怨靈脩之浩蕩兮

案類聚三十引靈胡誤作零

眾女嫉余之蛾眉兮

蛾亦作娥

案漢書楊雄傳顏注載晉灼說引蛾作蜚後漢書崔駰傳注

引作眾女皆妒余之蛾眉御覽四百八十三亦引嫉作妒

謠詠謂余以善淫

以一作之一

案御覽四百八十三引謠作讚說文繫傳十一引以作之

注謠謂毀也

案御覽引注謠亦作譜

注詠猶讚也

案原本玉篇言部引譜誤讚

寧溘死以流亡兮

以一作而

案慧琳音義八十一九十三並引作以

注溘猶奄也

奄亦作晻

案文選恨賦注引奄作掩

回朕車以復路兮

回一作迴

案文選復陳伯之書注引回作迴

纍芙蓉以爲裳

纍一作集

案文選北山移文注書鈔一百二十九類聚八十二御覽九

百七十五並引作集

注續紛盛貌

案慧琳音義六十三引芬盛貌也似卽此注或所據之本
紛作芬九歌王注亦云紛盛貌

女頤之嬋媛兮

嬋媛一作嬋媛

案白帖十九引媛作娟又案詩桑扈鄭箋云胥有才智之名
也疏云易歸妹以須注亦云須有才智之稱天文有須女屈
原之妹名女須鄭志答冷剛云須才智之稱屈原之妹疑當作姊
以爲名是胥爲才智之稱胥須古今字耳據詩疏所云似鄭
君所見之本嬋字作須

注以見放流

案白帖十九引注以作乃

曰鮌婞直以亡身兮

鮌一作鮌

案一本作縣與宋咸國語補音所引古文尙書合

紛獨有此姱節

案後漢書馮衍傳注引姱作夸

夏康娛以自縱

案路史後紀疏佗紀注引娛作豫

注武王杖黃鉞行天罰

案書鈔一百二十四引注作把黃鉞行天討者也

貼余身而危死兮

案原本玉篇阜部慧琳音義九十八並引而作以玉燭寶典

二亦引作而

攬茹蕙以掩涕兮

攬亦作搯
文選作擘

案漢書楊雄傳顏注載晉灼說引攬作擘文選洛神賦注引

同

霑余襟之浪浪

案文選洛神賦注引霑作沾余作予

駟玉虬以乘鸞兮

鸞一作翳

案後漢書馮衍傳注引鸞作翳路史餘論一引同惟王應麟

急就篇補注四亦引作鸞

溘埃風余上征

案文選江淹雜體詩注引楚詞溘颼風余上征吳都賦注又

作溘颼風兮上征謝朓在郡臥病呈沈法曹詩注又作溘颼

風而上征似即此句異文存以俟攷

注 搢輪木也

搢一作支

案詩小旻疏引注搢作支

欲少留此靈瑣兮

案文選北征賦注引少作去誤

望崦嵫而勿迫

案慧琳音義七十四引迫作迨誤

注下有蒙水

案原本玉篇山部慧琳音義七十四引注蒙水作豪水誤

總余轡乎扶桑

案漢書楊雄傳顏注載晉灼說引乎作於

聊逍遙以相羊

羊亦作佯

案文選曹植與吳季重書注引羊作佯

前望舒使先驅兮

案書鈔一百五十引吾令望舒先驅兮即此語

後飛廉使奔屬

案文選張載雜詩注引使上有兮字

注總總猶傳傳聚貌

案原本玉篇系部引注作猶噂噂眾貌

吾令帝閭開關兮倚閭闔而望予

案說文繫傳二十三引作叫帝閭使開關兮倚閭闔而望予
所引上句似遠遊篇命天閭其開關異文

登閭風而縹馬

縹一作純

案原本玉篇系部引作登浪風而縹馬後漢書張衡傳注引

縹作縹

溘吾遊此春宮兮

溘一作澹

案書鈔一百二十八引溘作盍

求宓妃之所在

宓一作慮

案漢書楊雄傳顏注引作慮妃

雄鳩之鳴逝兮

釋文雄作鳩

案漢書楊雄傳顏注引鳩作鳩據鳩字王氏無注似以作鳩

爲正